



UNIVERSITÄTS-  
BIBLIOTHEK  
PADERBORN

**Francisci Montmorencii E Societate Iesv Cantica Et Idyllia  
Sacra**

**Montmorency, François de  
Antverpiae, 1638**

Cedar. ex Isaiaë cap. 42.

---

[urn:nbn:de:hbz:466:1-69423](https://nbn-resolving.org/urn:nbn:de:hbz:466:1-69423)

## CEDAR IDYLLION.

## A R G V M E N T V M .

Hoc Idyllio ISAÏAS Propheta, miram apud Barbaros morum conuersionem, postquam Euangelij luce perfusi fuerint, sub  
\* Cedareni pastoris iam cicuris facti tro-  
po luculenter adumbrat.

\* Vetus apud Hebræos Pro- uerbum erat, quo per Cedarenum significabāt quemuis Barbarum. Alludit ad illud toto passim hoc Poëmate profundus noster Pro- pheta.

**I**ntermitte graues tantisper, Musa, co-  
thurnos;

Non omnes gaudent grauibus, mihi crede,  
cothurnis.

Quin leniore sono potiùs vulgaris auena  
Cedaris intonsas liceat mihi dicere siluas.

Si canimus siluas, siluæ sunt Numine plene

Quas canimus. Deus omne nemus mihi Cedaris  
implet.

Dic age deductos illi mea tibia versus;

Nam tenui calamo non inuicundiùs audit,

Quàm grandi commissa tuba sua facta referri,

Seque Dei nostro Maiestas temperat ori.

Fontis in angusto veluti craterè videmus

Tres celi spatium pandi non ampliùs vlnas:

Forsan & hæc latè rotum quandoque per Orbem

Qualiacumque mea spargentur sibila canna.

Audiet & si qua procul his est insula terris,

Qua facimus Superis bifori præconia buxo.

Ecquis iò siluæ vos cultus amœnior ornat

Subleuetur desertum, & ciuitates eius:

in domibus habitabit Cedar.

Laudate

Video huiusmodi  
verborum  
transposi-  
tionem

Lucretio &  
Virgilio  
placuisse.

b Vallis A-  
chor ea-  
dem quæ  
Engaddi.

c Diuersi  
ab Afris hi  
Nomades  
Arabes.

d Cedare-  
norum fe-  
rociã notat  
Rex David  
Psal. 119.

Habitu  
cum habi-  
tantibus

Cedar, cum  
his qui ode-  
runt pacem.

e Vox Ce-  
dar, He-  
braicè ni-  
grorẽ signi-  
ficat: quæ  
significatio  
ad mores

transfertur.

Cedarides? solito vultus cur latior hic est?  
Nempe Dei vestros hilarat presentia saltus,  
Ingeniumque loci cicurat siluestris. heriles  
Qua fert cumq; gradus, casiam calcata crocumq;  
Fudit humus. Legere est ipsis a ex thura myricis.  
Ipsæ iam filices nardi mutantur aristâ,  
Carduus Assyrio calamo, serpylla rosætis.  
Denique tophus ubi fuerat scaber hætenus; illuc  
Iam migrasse putes Nabathæi germina ruris.  
Quisquis ad hos posthac incerta mapalia saltus  
Pastor ages; tecum miraberis ipse frequenter  
Cedaris antè feros tractus, desertaque vasta  
Numinis aduentu veterem posuisse rigorem,  
Et didicisse nouo passim mitescere cultu.  
Pinguior ut non sit bifera iam gleba Segora  
Non b Achoritana mollissima pascua valles.  
Hic stabiles tibi fige lares; hic oppida conde  
Si sapis vpilio (nec enim tentoria tanti  
Sunt tua) dispersos huc undique coge sodales,  
Et noua conscriptis pomæria ciuibus imple.  
Crescere post aliquot tua regna videbis aristas.  
Ergo domos vagus ille c Nomas colet? & colet  
urbes?

Ergo ferox, d pridem consuetaque viuere raptò  
Cedaris e atra volet pubes iam cuius haberi,  
Et sinet ignavos famulari legibus arcus?

Z 3

Nunc

Vulgò notum est, hominem nigrum, hominem infidum dici; contra  
hominem candidum, vocari eum qui verax & ingenuus est. Adeò  
omnium ætatum & gentium consensu, summa semper fuit coloris  
nigri infamia; ut contra, candoris summus fauor.

\* Cedar,  
pars Ara-  
bia Petraea.

Laudate habitatores \* Petrae, de vertice  
montium clamabunt.

Ponent Domino gloriam, & laudem eius  
in insulis nuntiabunt.

Nunc & oui lupa foeta teget latus, vrsaq; damae  
 Et modo cum vitulis stabulo claudetur eodem  
 Hospitij condocta fidem seruare leana;  
 Pastor Arabs iaculis quando exarmatus & arcu  
 Mitis ad urbana recipit se munia vite.

Non struet insidias, nec in antris vlla reductis  
 Damna viatori posthac meditabitur. Ite

\* Ite bonis anibus quicumque per ania tesqua  
 Cedaris, ad lauta merces properatis Erythrae:  
 Cedaris infamis non est modo silua rapinis.

Petricolas Arabes iam Pax habet. Omnia rixae  
 Semina sunt sublata. Manet certamen id vnum  
 Quis melius votina Deo iam carmina dicet.

Vndique diuinis resonant iuga Cedaris hymnis.  
 An Musa, Nomades etiam fecere poetas?

Non equidem Musa, Nomades fecere poetas;  
 Fecit Amor: caelestis Amor sic omnibus afflat;

Hic Elegos ut fundat, ut ille libentiùs Odas,  
 Populeis alij mandent Epigrammata truncis,  
 Lanigeras pars inter oues Idyllia pangant,  
 Alternoque vocent sese in certamina cantu.

Arbiter huic aliquis ludo victoribus aqua  
 Praemia, gramineas donabit habere coronas,  
 Et fuscas hederâ frontes circumdabit albâ.

Hec fuit exili non dedignatus auenâ  
 Ludere, Musâ, tuus pastoria carmina vates  
 Dû sedet ad tremulâ \* pecorosi Cedaris umbrâ.  
 Surgamus: nitidos en extulit Hesperus ignes,  
 Et gelidus noctis iam gramina proluit humor.

\* Propheta  
 alloquitur  
 hic Sido-  
 nios augu-  
 rijs addi-  
 ctos.

\* Vniuersi  
 Principes  
 Cedar, cum  
 agnis, &  
 arietibus,  
 & hœdis,  
 venerunt  
 ad te nego-  
 tiatores  
 tui. Ezech.  
 c. 27. Omne  
 pecus Ce-  
 dar congrega-  
 bitur ti-  
 bi. Isaia  
 cap. 60.

ARCVS  
Titulus est  
huius Poë-  
matis (ex  
Mariana  
nostri sen-  
tentiâ) ab  
auctore

Dauidе in-  
ditus; qui  
præcepit  
Chonenia  
Principi  
Prophetia,  
ut doceret  
ARCVM  
cantores  
quos Rex  
instituerat.

Idem est  
Princeps  
Prophetia,  
quod P in-  
ceps cantus,  
prophetare  
enim pro eo  
quod canere  
frequentif-  
sime in sa-

crâ Scripturâ usurpatur: nec solum Prophetæ vocabulum ad Musicos & cantores traduci video, verum etiam ad ipsos Poëtas Cantorum artifices. Quo sensu Apostolus Paulus, Prophetæ vocabulum pro Poëtâ usurpauit, sic ad Titum scribens de Epimenide Poëtâ Cretenſi: Dixit quidam ex illis, proprius ipsorum Prophetæ.

## LIB. II. REGVM

## CAP. I.

**P**Lanxit autem Dauid planctum huiusmodi super Saül, & super Ionatham filium eius (& præcepit ut docerent filios Iuda ARCVM, sicut scriptum est in Libro iustorum.) & ait:

Considera Israël, pro his qui mortui sunt super excelsa tua vulnerati.

Inclyti, Israël, super montes tuos interfecti sunt: quomodo ceciderunt fortes?

Nolite annuntiare in Geth, neque annuntietis in compitis Aſcalonis: ne fortè lætentur filia Philisthijm, ne exultent filia incircumcisorum.

Montes